

## 祠规引

天子有宗令庶民有祠正名虽不同其揆一也故前载格言所以示教后列祠规所以示懲鑄诸谱端永著为例

人伦为宗祠之本不孝不弟国有常刑嗣后我族务宜父戒兄勉如有悖逆不顺干犯尊长者投祠照家法处治断不宽容姑恕

我族理宜和睦切戒争讼纵有微嫌细故各父兄秉公处息不得唆是弄非阴煽阳扑骨月拘讼致伤宗情

祠首为阖族仰望凡事务须正直光明不得假公济私况明心不如明迹服人莫先服己至于出入数项不可解铃击铃原出一手违者论罚

佃耕公田照土浇肥定租每年以重阳为期各佃户照依定租将穀送祠入仓不得推延短少违者将穀收楚佃田另俵各祠首不得避嫌徇私

宗祠所停佃主凡我族人不得时来时扰藉公需索违者责罚家长

宗祠凡有公事只宜各房执长赴祠计议不许设席各閒家亦不得蜂拥宗祠违者面叱

宗祠遇有客情及议公事设有祠首料理理宜待餐者惟首买办款待闲人不得拢场

每年以冬至后一日清算宗祠数目惟各柱执事老成入祠稽查酒席禁免近改作七月中旬清算新旧祠首交盘穀石庶免重量尚内公山周围百余里东至郭姓山西至张姓山上至溱浦王姓山下至人形老祖山厯有规禁山畲田地惟我公子孙方准插栽耕种寸土片地概不许典卖外姓违者查出重罚不贷

公祠各山树株理宜长禁培植不准私行窃砍违者即以盗论

瑶家系康熙年间先人招住看守山界任其耕种不收租不其不勒索以免

荒芜以防侵占我族人不得造端生事相侵相凌违者重处重罚决不姑贷  
桃源岗各处杉树竹麻凡当发售任准合族丢罽不许议价强买违者公处  
公议桃源岗章程引

朝廷征课以供国用乡曲置产以隆祀典若我族自先公伊始置桃源岗山  
地田畝周围数十里子孙耕管多历年所在昔先辈议有成规斟酌多寡纳租  
送祠以为祭费既而老成凋谢旧章遂废殊失 先祖置产之意因于光绪三  
十三年合族商议复振前规庶祖宗灵爽庇佑于无穷而子孙承守报恩于靡  
既所议章程开列于后

议公地所占田亩照穀石多少收租每石纳租钱四十文其钱以冬至日为  
期一并送祠过期议罚

议公山竹麻照落匪实数收租每石收租钱三文其钱以六月六日为期一  
并送祠过期议罚又雪花皮每百觔收租钱十二文

议公山杉树不拘砍伐多少每根收租钱十二文每栋寿材料八文惟修造  
用树不在此例其钱以上堆点数门交清

议公山荒地甚广嗣后倘有开垦插栽来祠报明以便登数收租

议桃源岗公举首士四人经理清查须要秉公正直不得徇情油脸倘有私  
弊责有攸归

以上数条俱系公议如有意隐匿舞弊不报实数一经查觉即将该产归祠  
议罚

光绪三十四年戊申岁仲夏月

阖族同刊